

Manmin nga mga Balita

NO. 31 HUNYO 2, 2013

Siminar sa mga Pastor og Miracle Healing Crusade sa Pakistan

Puno sa lihok sa Espiritu sama sa kusog nga hurus sa hangin og sa gamhanang mga mensahe



Sa Pastor's Seminar og Miracle Healing Crusades, si Pastor Taesik Gil nagwali sa gugma ni Hesu Kristo og nagpamatuud sa buhi nga Diyos uban sa mga ilhanan. Ang kahayag sa espirituwal nga kinabuhi ni sabwag sa mga kalag sa taga Pakistan. 1: Si Pastor Gil nag-ampo gamit ang panyo sa gahum 2-4: Ang mga nanghimatuud 5: Si Pastor Gil uban sa mga Obispo 6: Ang Karachi Pastors' Seminar 7: Ang krusada sa Lahore nga naay duolan sa 8,000 ka mga tawong nanambong

Sa Pakistan, 97% sa populasyon mga Muslim! Ining maong lugar nga kuli mo bunga ang espirituwal, ang 'bulak' sa pagkabalaan sa ebanghelyo namutot diha sa gugma sa Diyos para sa mga kalag.

Sa katapusang 11- katuig, si Pastor Taesik Gil nangalagad sa Daejon Manmin Church, naghimog mga siminar og healing-crusades sa daghang lugar sa Pakistan apil ang Islamabad, capital nga siyudad, gamit ang panyo sa gahum nga inampoan ni Dr. Jaerock Lee (Buhat 19:11-12). Abril 5-15, 2013 niadto siya sa lain pang mission-trip sa Pakistan.

Si Pastor Gil niwali sa 5 ka Pastor's siminar og Miracle Healing Crusades sa ika duhang siyudad sa Pakistan (Lahore), og sa Sheikhpura, Multan og Karachi. Nakig kita siya sa mga Obispo. Panahon sa mission-trip 200 ka mga pastor ang nagpa rehistro sa ilang simbahan isip sanga sa Manmin og makig ubang simbahan. Daghang mga kaayuhan ang nahimo, nga maoy nagtanum og dakong pagtoo sa mga nanambong.

Mga panghimatuud ni baha sama sa kusog nga hurus sa hangin sa lihok sa Espiritu

Krusada sa Lahore, mga 8,000 ka mga tawong nanambong og si Pastor Gil nagwali mahitungod sa "Holy Spirit" basi sa Buhat

2:1-4. Iya sad gihatod ang mensahe sa "God the Healer" basi sa Exodu 15:26, didto sa krusada sa Sheikhpura, Multan og Karachi, nga ditambongan duolan sa 6,000 ka mga tawo, 3,000 og 450.

Human sa mensahe, si Pastor Gil nag-ampo sa mga masakiton gamit ang panyo sa gahum og daghan ang nangaayo sa ilang mga balatian og sakit.

Shiraz, 11 anyos, naay daotan nga pananaw, apan naayo ang iyang mata. Umalili, 8 anyos, amang sugod sa edad nga tres, apan nakasulti na. Shakina, 45 anyos, mo lakaw nga nagsalig nalang sa sungkod human sa iyang operasyon sa bat-ang, apan nakalakaw nga wala na mag sungkod. Nashin, 35 anyos, nibarog sa iyang 'wheelchair' og ni lakaw.

Youssef Masih, 50 anyos, naayo sa paralysis sa tuo nga abaga og karon makalihok na ang iyang tuong abaga og kamot nga wala nay problema. Sahril, 7-anyos, naayo sa asma. Avid 25 anyos. Maoy nidawat sa pag-ampo para sa iyang igsoong lalake nga nag antos sa sakit sa tiyan og ni kompirma nga naayo ang iyang igsoon og nalipay.

Dugang pa, Bushira, 40 anyos, naayo sa iyang brain-tumor nga sulod na sa 5-katuig, og Shaniz, 23 anyos, nakadawat sa panalangin sa pagpanamkon pinaagi sa

pag-ampo ni Dr. Jaerock Lee sa Isaac TV (Presidente Pastor Anwar Fazal).

Ang Isaac TV nagsibya sa mga mensahe ni Dr. Lee sa English og Urdu, 6 ka oras matag adlaw sa Pakistan og ngadto sa tibuok Middle East.

Ang lokal nga mga pastor nahibulong sa espirituwal nga kalawum sa mga mensahe og giuhaw niini.

Sa Lahore Pastor's Seminar, si Pastor Gil nihatud sa mensahe nga 'God the Creator' og ang 'The Secret Hidden before the ages'. Sa Sheikhpura, Multan og Karachi Pastor's Seminars, niwali siya mahitungod sa 'God who Cultivates Humans' og 'The Reason why God Place the tree of Knowledge of Good and Evil'.

Nibisita sad siya sa regular miting sa United Bishop Council Pakistan. Iyang gipaila ang pag pangalagad sa Manmin og ni wali sa mensahe gikan sa Roma 5:8 nga giulohan "Why is Jesus Christ Our Only Savior?" Nakig hinabi siya sa mga Obispo sa Lahore og iyang gipasabot ang panglantaw sa Manmin para sa Pakistani nga pag pangalagad.

Ang mga pastor sa siminar nahibulong og niingon, "Wala pa ko maka dungog og ingon aning klase sa espirituwal nga mensahe". Nipakita sila og tinguha sa

panglantaw sa Manmin para sa world-mission og nagdahum nga maka apil ini.

Si Pastor Samuel malipayong niingon, "Nagtudlo ko sa siminaryo mahitungod sa Bibliya, apan karon akong na kab-ot ang taas nga kaalam. Dako kaayo kinig ika tabang sa akong pagtudlo". Si Pastor Asif Aslam niingon, "Ang akong nahibaw-an wala ra diay. Sa pagkabalaan sa ebanghelyo, gibag-o kita sa Diyos. Mapasalamatan kaayo ko nga gitugotan sa pagpaminaw sa maong mensahe sa panalangin".

Sa mission-trip, ilang nakita ang pagkabalaan sa ebanghelyo og ang pag pangalagad sa Manmin nailhan sa mga tawo sa Pakistan og daghang mga tawo nag tanaw sa sermon ni Dr. Jaerock Lee pinaagi sa Isaac TV og nakadawat sa kaayuhan og mga panalangin.

Daghang mga pastor ang nahinumdom sa 2000 Pakistan United Crusade ni Dr. Lee, nga sa kasaysayan sa Pakistan, wala pay sama ato nga krusadang nahimo. Tungod ini atong ma hunahuna ang ilang pagka tandog sa maong krusada.

Dugang pa, kining maong mission-trip nagsilbi kining oportunidad aron mapadakan ang pag pangalagad sa Pakistan pinaagi sa pag konek sa mga Obispo. Atong pasalamatang og himayaon ang Diyos nga maoy naghimo ining tanan.



Senyor Pastor Dr. Jaerock Lee

Importansya sa Espirituwal nga Gugma

“Makasulti ko og pinulongan sa mga tawo og bisan sa mga anghel. Apan kon wala koy gugma sama ra ko sa saba nga agong og sa piyang piyang nga nagtagingting. Bisag may hiyas pa ako sa pagpadayag sa langitnong mensahe, maka baton sa tanang kahibalo og makasabot sa tanang tinago, bisag may pagtoo pa ko nga maka pa balhin og bukid-apan kon wala koy gugma, wala akoy kapuslanan. Bisag ipanghatag ko pa ang tanang ania nako og ipasunog ang akong lawas apan kon wala koy gugma, wala kini kapuslanan” (1 Corinto 13:1-3).

Ang kapitulo 13 sa 1 Corinto gitawag og ‘Love Chapter’. Gipasabot dinhi ang importansya sa gugma sa dili pa ang detalye mahitungod sa espirituwal nga gugma. Bisang og naa tay insaktong pagkaon, sanina, balay og wala nay gikinahanglan pa; kon walay gugma, ang tanan natong paglaom og rason nga mabuhi pa mangawala. Sa laktod nga pagkasulti, ang guma maoy pinaka importanteng butang sa atong kinabuhi.

Ang 1 Corinto 13:13 nag-ingon, “Busa kining tulo magpa bilin; pagtoo, paglaom og gugma. Apan ang labing dako ini mao ang gugma”. Bisang pa og mo sulti ta og nindot sama sa sinultian sa mga anghel, bisang pag naa tay gasa sa pag propisiya, mopakita og pagtoo nga maka irog og bukid, mohatag sa tanang kadato aron ipa kaon sa mga pobre, og mo sugot nga sunugon ang lawas, atong gikinahanglan ang tinuod nga gugma aron pag insakto sa atong mga binuhatan.

1. Bisang pag mo sulti og pinulongan sa tawo og sa mga anghel

Dinhi, “Ang pinulongan sa tawo” wala magpasabot sa nagkalain-laing pinulongan nga usa sa gasa sa Espiritu Santo, apan nagpasabot sa mga sinultian sa mga tawo ining kalibutana sama sa English, Chinese og uban pa. Kon atong makita ang pag usbaw sa sibilisasyon ato kining mapasa ngadto sa mga kaliwatan pinaagi sa pagsulti, og atong mapa ursa ang makalilisang nga gahum sa mga pulong.

Ang pagsulti naay gahum para matandog ang dughan sa tao mao nga atong ma kab-ot ang mga butang. Kon maka sulti lang unta ta og maayong mga pulong sa nindot nga tingog sama sa mga anghel, unsa kaha unta ka nindot!

Kon mo sulti ta sa pinulongan sa mga tawo og mga anghel apan walay espirituwal nga gugma, sama sa ta sa saba nga agong og sa nagtagingting nga piyang-piyang. Ang agong mo saba kon kini walay sulod. Sa samang paagi, sama ra usab kita sa uhot kon kita walay sulod og walay espirituwal nga gugma. Kon kita puno sa gugma isip mga anak sa Diyos kinsa naghisama Niya, anha pa nga kita naay bili sama sa lugas atubangan sa Diyos. Kon mo sulti gani ta, atong hatagan og kinabuhi ang naminaw og

ato gyung hunahunaon, “kining mga pulong nga maka dasig ba?” og “Unsaon kaha nako siya pagtabang nga maka angkon sa matuud?”

Sa Juan kapitulo 8, ang magtutudlo og Pariseo niadto ni Hesus nagdalag babaye nga nasakpang nanapaw og niingon sila kang Hesus, “Ang balaod ni Moises nagsugo nga ang magbuhat sa ingon kinahanglan nga batuon hangtod mamatay; Unsa man ang Imong ika sulti?” Kon moingon Siya nga ipa bato ang babaye, moingon sila nga Siya walay gugma. Kon mo ingon Siya nga ipa bato ang babaye, moingon sila nga gibaliwala Niya ang balaod. Gisulat ni Hesus ang ilang tagsa-tagsa ka mga sala diha sa yuta. Sa pagkakita nila niini nahingawa ang ilang konsensya og nanglakaw. Si Hesus nalang og ang babaye ang nahabilin. Si Hesus niingon, “Dili usab ako mo silot kanimo. Lakaw. Og ayaw na pagpakasala”.

Ang mga pulong nga naay espirituwal nga gugma naay gahum aron sa pag bag-o sa kinabuhi. Apan kon mamugos ka sa imong ideya ngadto sa uban, o aron pagtumbok sa ilang mga sayop, dili ka makausab nila og dili ka makahatag og tinuod nga kinabuhi, bisang pa og ang imong mga pulong insakto.

2. Bisang pa og naa koy gasa sa propisiya, nahibalo sa tanang misteryo og sa tanang kaalam, og naay dakong pagtoo nga maka irog og bukid

Kasagaran, ang propisiya mao ang pagsulti mahitungod sa umaabot nga mahitabo. Sa Bibliya, ang tawo ni propisiya nga naay mahitabo pinaagi sa pagdawat sa dughan sa Diyos sa inspirasyon sa Espiritu Santo para sa talagsaong katuyoan. Dili kini mahimo sa kusog sa tawo apan sa tawo nga gihatagan og inspirasyon sa Espiritu Santo, ang makadawat sa propisiya gikan sa Diyos (2 Pedro 1:21).

Apan dinhi “Ang gasa sa propisiya” sa Love-Chapter wala magpasabot sa gasa nga gihatag mismo sa maong tawo. Dinhi mao ang pag proklama nga ang luwas nga mga kalag dad-on sa hangin sa dihang ang Ginoo mobalik og mag uban kanila sa 7-katuig nga ‘Wedding Banquet’ samtang ang mga kalag nga wala maluwas mag-antos sa tumang kalisod sulod sa 7-katuig og dad-on ngadto sa impyerno human sa Great Judgement sa

White Throne.

Og ang “misteryo” nagpasabot sa tinagoan bisang sa wala pa magsugod ang tanan, mao ang, mensahe sa krus. Ang mensahe sa krus mao ang probidensya nga giandam sa Diyos sa wala pa magsugod og luwas sa katawhan. Ang Diyos nahibalo nang daan nga ang tawo makasala og padong sa dalan sa kamatayon mao nga Iyang giandam si Hesus, ang atong Manluluwas, bisang sa wala pa magsugod. Og kining maong misteryo gitagoan sa Diyos kay kon nahibalo pa ang Satanas niini dili kini matuman tungod kay santaon niya kini.

Ang kaaway nga demonyo og satanas nagtoo nga ilang ma huptan ang awtoridad nga nahatag nila tungod sa pagpakasala ni Adan kung ilang mapatay si Hesus. Mao nga ilang gi dapit ang mga tawong daotan og ilang gipatay ni Hesus nga kinsa walay sala. Bisang pa og nahibalo ta aning kahibulongang misteryo, kung wala tay espirituwal nga gugma og mo wali niini, wala gihapoy pulos.

Mao gihapon sa kaalam. Ang “tanang kaalam” wala lang magpasabot sa akademik nga kahibalo, apan usab sa tanang kaalam sa matuud nga nahisulat sa Bibliya. Kung nakaila ta sa Diyos, motoo gyud ta Niya gikan sa atong dughan pinaagi sa pagkakita og pag ekspersiyensiya Niya. Kay kon dili, ang atong kaalam, kinaugalingong kaalam lang og mao ra gani kini ang atong basihan sa paghuga og pag kondenar sa uban. Ang maong kaalam nga walay espirituwal nga gugma wala gihapoy pulos.

Kung naa tay “tanang pagtoo” nga makahimo sa pag pa irog sa bukid apan walay gugma, baliwala ra kita. Si Pedro nakalakaw og kadiyot sa tubig uban sa pagtoo sa dihang si Hesus naglakaw diha sa tubig. Apan si Pedro walay espirituwal nga gugma og sa katapusan nag atubang sa hulga sa iyang kinabuhi, iyang gilimud si Hesus tungod kay wala gani siya makadawat bisang sa Espiritu Santo og wala sad gani siya mahimong balaan.

Kon atong ma ekspersiyensiya ang Diyos, ang pagtoo mo tubo; apan bisang pa, ang espirituwal nga gugma motubo lang diha nato kon kita magsulay pag-ayo sa pagpalayas sa mga sala. Wala magpasabot nga ang pagtoo og gugma walay kalabutan. Pinaagi kini sa pagtoo nga atong

papahawaon ang mga sala og mo higugma sa Diyos.

3. Bisang pag akong ihatag ang tanang kadato aron ipakaon sa mga pobre og mo sugot nga sunugon ang lawas

Katong mo tabang sa mga pobre aron makapasigarbo sa ilang kaugalingon, mahimong arogante kon sila daygon sa uban. Abi nila og sila matarong unya dili na mo sulay sa pagtuli sa ilang dughan. Kana makadaot nila. Apan katong mo tabang sa mga pobre tungod sa gugma og wala maghunahuna nga pasidunggan og ilhon ang ilang gibuhay. Kini tungod kay sila nagtoo nga ang Diyos, nga sekretong nakakita nila, mo balos sa ilang binuhatan uban ang mga grasya og ganti basi sa ilang mga binuhatan (Mateo 6:3-4).

Mao sad sa pagsakripisyo. Ang “Pagsugot aron sunugon ang lawas” nagpasabot sa kompletong pagsakripisyo sa kaugalingon. Tinuod, makahimo kita og kaugalingong sakripisyo kon naa tay gugma. Apan, makahimo usab bisang wala ang gugma. Sa laing bahin, human sa pagtrabaho og maayo mo reklamo o dili komportabl kon walay mo ila sa tanang kahago, debosyon, panahon, o pinansyal nga kontribusyon. Ato dayong husgahan ang uban nga wala mo tabang sa paghuna-huna, “Unsaon nga wala gyud silay gikatabang, ingon gihigugma nila ang Diyos?” Kon ikaw sama ini, ma problema ka lang sa imong kaugalingon og maka pag og away sa uban. Wala kay nakuha sa imong pag sakripisyo.

Nganong mohatag og sakripisyo nga walay gugma bisang naa pa tay pagtoo? Kini tungod kay wala man nato isipa nga ‘ang sa Diyos ato, og ang ato iya usab sa Diyos’. Kay kon naa pa tay dughan nga puno sa espirituwal nga gugma atong maitugyan ang atong kaugalingon ngadto sa Ginoo, walay sapayan kon makita sa uban og dili.

Mga kaigsoonan, ako mag-ampo sa ngalan sa Ginoo nga imong makab-ot ang espirituwal nga gugma pinaagi sa paghatag sa imong kaugalingon sa uban sama sa kandilang nagsiga, nagsunog sa iyang kaugalingon aron ang kangitngit mapahawa og mo dan-ag ang palibut niini.

Ang Pag-angkon sa Pagtoo

1. “Manmin Central Church” nagatuo nga ang Bibliya mao ang gininhawang pulong sa Diyos, perpekto og walay sipyat.
2. “Manmin Central Church” nagatuo sa panaghiusa’ng lihog sa Diyos nga Trinidad: Diyos nga Balaang Amahan, Diyos nga Balaang Anak, og Diyos nga Balaang Espiritu Santo.
3. “Manmin Central Church” nagatuo nga kita mapasaylo sa atong mga kasal-anan pinaagi lamang sa dugo ni Hesu Kristo.
4. “Manmin Central Church” nagatuo sa pagkabanhaw og pagkayab ni Hesu Kristo, sa Iyang ika duhang pagbalik, panahon sa kalipay og ang Lanigt nga walay katapusan.

5. Mga Miyembro sa “Manmin Central Church” ni angkon sa ilang pagtoo diha sa “The Apostles’ Creed”, sila nagatuo sa unod sa mga pulong nahisulat niini.

“Ang Diyos mismo ang naghatag sa kinabuhi og ginhawa sa tawo og sa tanang butang” (Buhat 17:25).

“Ang kaluwasan makaplagan lamang diha kaniya kay dinhi sa kalibotan wala nay laing ngalan nga gihatag sa Diyos ngadto sa katawhan nga maoy makaluwas kanato” (Buhat 4:12).

Manmin nga mga Balita

Published by Manmin Central Church

Bisayan

235-3 Guro-3dong, Guro-gu, Seoul, Korea (postal code 152-848)
Tel: 82-2-818-7047 Fax: 82-2-818-7048
http://www.manmin.org/english / www.manminnews.com
E-mail: manminministry@hotmail.com
Publisher: Dr. Jaerock Lee
Managing Editor: Geumsun Vin

Ang “Beatitudes” Mopasabot nato sa tinuod nga panalangin

Tumoy sa bungtod, si Hesus ni wali sa bilihong mensahe ngadto sa kadaghanan kini gitawag og ‘Sermon on the Mount’. Sa katawhan nga mawala lang sama sa gabon, si Hesus nitudlo sa mga panalangin nga walay katapusan, ang mga panalangin nga maka sulod sa gingharian sa langit. Kining mensahi-a mao ang ‘Beatitudes’. Kini atong ilhanan aron atong ma susi ang atong kaugalingon og aron kita makasulod ngadto sa siyudad sa Bag-ong Herusalem nga tua ang trono sa Diyos. Atong sutaon!



“Bulahan ang mila nga sila kabos sa espiritu, kay maangkon nila ang paghari sa Diyos”. (Mateo 5:3)

Ang pagka ‘kabos sa espiritu’ maoy dughan nga walay garbo, pagka arogante, hangol, personal nga tinguha o daotan. Katong mga ‘kabos sa espiritu’ modawat dayon sa ebanghelyo. Og human sa pagdawat ni Hesu Kristo, magpangita sila sa mga espirituwal nga butang. Dali ra sad kaayo silang mausab pinaagi sa gahum sa Diyos.

Aron makaangkon sa kabos nga espiritu, ato gyung wad-on ang unodnong kahinam, garbo og kahinam sa mata. Ato gyung perming sutaon ang mga daotan nga naa nato pinaagi sa Pulong, pagpalayas ana pinaagi sa mga pag-ampo, og mahimong espirituhanong mga anak. Og dinha pa nga kita malipay sa mga panalangin nga walay katapusan, mao ang, Langit.

“Bulahan ang nagsubo kay lipayon sila sa Diyos”. (Mateo 5:4)

Ang ‘nagsubo’ nagpasabot sa espirituhanong kasubo para sa gingharian og sa kamatarong sa Diyos, dili unodnong pagsubo gumikan sa kamatayon sa tawo og sa kahangol nga tinguha. Para sa espirituwal nga kasubo, labaw sa tanan, gikinahanglan nato ang espirituwal nga gugma. Naay pagsubo sa paghinulsol sa atong kasal-anan o sa wala pagtuman sa atong katungdanan. Naa say pagsubo alang sa igsoon sa pagtoo og pagsubo aron sa pagluwas sa mga kalag. Kon kita espirituwal nga nagsubo, hatagan kita sa Diyos sa atong gipanginahanglan, og sobra pa gani. Hatagan sad ta Niya og ganti didto sa langitnong gingharian.

“Bulahan ang mapaubsanon kay maila ang tibuok yuta”. (Mateo 5:5)

Katong lumoy og espiritu lig-on og isog diha sa pagkamatarong samtang naa silay maayo og humok nga batasan sama sa gapas. Tungod kay sila buotan og maayo, dali ra kaayo silang makapasaylo sa sayop sa uban, og dali mo sabot. Daghang mga tawo moduol nila og makig higala kanila. Tungod kay daghan ang ilang ma giyahan ngadto sa kaluwasan, luag ang lugar nga ilang madawatan ngadto sa Langit.

“Bulahan katong gigutom og giuhaw sa pagkamatarong, kay tagbawon Niya sila”. (Mateo 5:6)

Dinhi, ang pagkamatarong mao ang pagsunod sa kabubut-on sa Diyos og sa pag bansay sa Pulong sa Diyos nga mao mismo ang kamaayo og matuud. Sama sa gigutom og giuhaw sa pagkaon og tubig, kinahanglan nga kita gutomon og uhawon sad sa matarong aron atong mahimo. Sa pagtagbaw sa atong espirituwal nga kagutom og kauhaw, kinahanglan nga mokaon ta og moinom sa dugo sa Anak sa Tawo.

Nagpasabot sa makugihong pagkuha og pagbaton sa Pulong sa Diyos og pagsunod ini. Kon kita maminaw sa Pulong og mo buhat niini samtang kita giuhaw og gigutom sa pagkamatarong, atong maangkon ang dughan sa espiritu nga walay mga bakak. Kini ang kapuno sa espirituwal nga gihatag ngadto sa gigutom og giuhaw sa matarong.

“Bulahan ang maluluy-on, kay kaluy-an sila sa Diyos”. (Mateo 5:7)

‘Kaluoy’ mao ang pagsabot, pasaylo og pag giya sa uban ngadto sa maayong dalan bisan pa og gihimo tang daotan sa walay rason. Dili ang paghuna-huna sa atong kaugalingong baroganan para sa atong kaayohan, apan sa paghuna-huna sa baroganan sa uban aron ato silang masabtan og makahatag og kaluoy nila.

Ang ‘Kaluoy’ makita sa daghan nga paagi. Naay kaluoy sa pagpasaylo, silot, og paghatag. Kon kita makapasaylo og maluoy sa uban, pasayluon sad ta sa Diyos sa atong pagka daotan og maluoy sad Siya nato.

“Bulahan ang putli og kasing-kasing, kay makakita sila sa Diyos”. (Mateo 5:8)

‘Bulahan ang putli og kasing-kasing’ nagpasabot sa balaang pamatasan dili lang sa gawas nga kaalam og edukasyon, apan apil na ang balaang kasing-kasing. Maangkon nato ang balaang dughan kon atong palayason ang mga daotan diha sa atong dughan, og mosunod sa Pulong sa Diyos og atong pun-on ang atong kaugalingon sa matuud. Aron sa paghimo ini, kinahanglan ang atong tinguha og kusog para sa pagsunod sa Iyang Pulong ato sang gikinahanglan ang tabang sa Espiritu Santo og ang grasya og kusog sa Diyos. Dinhi ang grasya nga “makakita sa Diyos” wala magpasabot nga makita ang imahe sa Diyos Amahan apan mao ang pagdawat sa tubag sa mga pag-ampo, og makita og ma eksperyensiya ang Diyos sa ilang kinabuhi.

“Bulahan ang mga ‘peacemakers’, kay tawagon silang mga anak sa Diyos”. (Mateo 5:9)

Ang espirituwal nga pasabot sa kalinaw mao ang pagsakripisyo sa atong kaugalingon bisan pa gani’g atong ihatag ang atong kinabuhi sa uban. Kung naa tay kalinaw sa Diyos pinaagi sa pag guba sa paril nga nagbarog taliwala kanato og sa Diyos og makakuha na og kalinaw sa atong kaugalingon pinaagi sa pagpalayas sa mga bakak nga mga butang sama sa kalagot, anha pa nga atong ma angkon ang kalinaw ngadto sa uban.

Kon atong i-sakripisyo ang atong kaugalingon para sa tanang butang og mo palayas sa tanang matang sa daotan anha pa nga makahatag ta og kalinaw og taw’gong mga anak sa Diyos. Mahimo sad tang makaambit sa espirituwal nga awtoridad og gahum nga naa kang Hesus (Mateo 10:1). Dugang pa, makasulod ta sa Bag-ong Herusalem nga atua ang trono sa Diyos og didto maglipay ta sa dungog og himaya isip tinuod nga mga anak sa Diyos.

“Bulahan ang gilutos tungod sa ilang pagsunod sa kabubut-on sa Diyos kay mahisakop sila sa paghari sa Diyos”. (Mateo 5:10)

Kung nagpakabuhi ta sa Pulong sa Diyos nga nagsunod sa matarong usahay atong masugatan ang mga pag biay-biay, nahisulat sa 2 Timoteo 3:12. Sa pagkawala sa kangit-ngit nga magkadako ang kahayag, ang mga magtutoo sa Ginoo nga mao ang kahayag, ang sugo sa gahum sa kaaway nga demonyo og satanas magka gamay. Ang demonyo og satanas mo kontrola sa mga kalibutanhong tawo nga nahisakop kanila. Sila mo hulhog aron biay-biayon ang mga magtutoo para dili makatarong og lakaw sa kristohanong kinabuhi.

Apan malipayon gihapon ta bisan bugalbugalan ta sa atong pagka kristohanon tungod kay dako ang atong ganti nga nagpaabot ngadto sa langitnong gingharian. Pinaagi sa pagbuntog sa mga pagbugal-bugal nila ngari nato, ang atong pagtoo motubo og kita mahimong makaangkon og nindot nga puloy-anan ngadto sa langit.

“Salamat Ginoo, sa imong pag-ayo sa akong masakiton nga lawas og samaran nga dughan”

Deaconesa Amaraa Tserendorj (Mongolia Manmin Church)

Sugod sa edad nga 5-anyos nagpuyo ko sa akong ama-ama. Mas pinalabi niya ang tinuod niyang mga anak kaysa nako. Bayolente kayo ang akong ama-ama og abusado ngadto sa akong inahan. Nagdako ko sa ingon ani nga pamilya, mao nga dili ko kahibalo mo higugma og wala gyud koy gugma nga nadawat sa uban. Dili ko magpakita sa akong ka huyang og permi gyud kong masakitan. Wala gyud koy pagsalig sa uban nga akong masaligan.

Tuig 1992, nisimba ko aron makaangkon og kalinaw sa hunahuna. Apan nasakitan lang hinuon gihapon ko og nipalayo sa Ginoo. Ining mga panahona, ang sintoma sa kidney og cystitis nga dugay nang naa nako ni grabi. Naglisod na ko og panghihi og ang akong ihi naa nay sagol nga dugo. Gipun-an pa sa kasakit sa akong likod nga dili ko maka lakaw og tarong nga magsige nalang og higda. Pag 1996, nakaangkon na gyud ko og hepatitis B. unya naminyo ko, nagkaanak, nagpakabuhing maayo, apan nag-antos ko sa pagsige og lalis sa akong bana.

Nagtuon ko og English sa ‘National University of Mongolia’ og nahimong maestro sa tuig 1998. Pag 2011 nibalik ko sa kamot sa Ginoo pinaagi sa pagda sa akong kaila. Nagtambong ko sa Sunday-service uban ang langyaw nga mga misyonaryo sa ‘Mongolian traditional tent’ og nagtukod og English academy ngadto sa mga pobre.

Hunyo 2012, giimbata ko sa simbahan og nagtudlo’g English. Gihatagan ko ni Pastor Arionchak og *Manmin Balita* sa Mongolian-edition. Human sa pagbasa, nibisita ko sa Mongolian Manmin Church nga gipangalagaran ni Misyonaryo Botzorig Purub. Og sa akong pagbisita ang mga miyembro naghimo sa Sunday



Morning Service gikan sa Manmin Central Church pinaagi sa internet live-broadcasting.

Si Senyor Pastor Jaerock Lee nipasabot sa mga sala nga ato gyung papahawaon aron kita makabarog sa bato sa pagtoo. Sayon kaayo sabton ang iyang pagpasabot. Natandog kaayo ko sa iyang mga mensahe. Sa pagka angkon sa kahibalo mahitungod sa kabubut-on sa Diyos, ang akong espiritu nabag-o uban ang kalipay og kapuno sa Espiritu.

Wala madugay, ang Mongolian Manmin Church nag Summer Retreat. Si Misyonaryo Botzorig Purub ni wali sa mensahe sa krus. Sa pag paminaw akong nahibaw-

an ang rason nganong si Hesus nianhi sa kalibutan isip Manluluwas og ang pasabot sa paglansang niya sa krus. Bulahan kaayo nga mga panahon aron sa pagtukod nako og bag-o nga pondasyon sa pagtoo.

Ako pa ganing na eksperyensiya ang mga ilahanan nga gihimo sa Diyos atol sa ‘Camp Fire Worship and Praise’. Sa gabii ang langit napuno sa panganud. Apan sa dihang ang mga partisipante ni siyagit uban sa pagtoo, “Ginoo! Ipakita palihug ang mga bituon!”, ang panganud nawala og nipuli ang mga bituon. Og nakakita pa gani kog mga bituon nga nanag lihok nga akong nabati og nahinumduman ang insidente nga diin ang ‘three magi’ gikan sa silangan nisunod sa mga bituon nga maoy ni giya nila ngadto sa lugar nga natawhan ni Hesus.

Human sa mga eksperyensiya, nitoo ko nga mahimong maayo ko sa tanan nakong mga sakit. Nag-ampo ko sa gamhanang Diyos, nagsimba sa espiritu og matuud, og uban ang pagtoo akong gidawat ang pag-ampo para sa mga masakiton nga gihimo ni Senyor Pastor Jaerock Lee. Ang resulta, naayo ko sa hepatitis B, nga 17 na katuig giantos, og sa ‘chronic kidney infection’, og cystitis. Halleluyah!

Ang igsoon nga doktor og mga kaliwat nakaila sa Diyos tungod sa ilang pagkakita nako nga maayo na og nagsige og simba. Disyembre 2012, napanalanginan ko nga mag ‘translate’ sa libro ni Dr. Lee ang, “*The Measure of Faith*” og ang *Manmin Balita* ngadto sa Mongolian nga sinultihan. Lipay kaayo kong nagkat-on sa kabubut-on sa Diyos samtang nagtrabaho sa ‘translation’. Ang tanang pasalamat og himaya ngadto sa Diyos nga kinsa naghatag nako og tinuod nga kalipay.

“Naghinulsol ko sa akong bugnaw nga pagtoo og nakabalik ko sa akong unang gugma”



Igsoon Maria Chung
(1st Young Adult’s Mission)

Ang dakong kausaban naabot sa akong kristohanong kinabuhi sa dihang ako nagtungha sa ika ‘12th grader’. Niadtong si Senyor Pastor Jaerock Lee naghimo og “Mini Divine Healing Crusade” para sa mga esudyante, human sa ‘Sunday Evening Service’

Naguol siya nga nagka daghan ang mga estudyante nga na tumong sa mga sala og daotan. Niingon siya namo dili magpakasala og klarong gipasabot niya nga naay langit og impiyerno. Gi awthag mi niya nga among higugmaon ang Diyos og magpakabalaan. Matinguhaon siyang nagsulti sa gugma sa Diyos og sa Ginoo, og nagtanum siya’g paglaum sa Langit diri sa among dughan.

Dugang pa, dako kaayo ang iyang suporta sa mga estudyanteng nagkinahanglan og pinansyal nga tabang aron makabayad sa eskuwelahan, aron makapalit og libro, notebook, og uban pa. Nabati namo ang iyang lawum nga gugma og nagsugod mi sa pagbag-o.

Bisag naulaw, nangayo ko og ‘haegeum’ ang tradisyonal nga string-instrument sa Korea, sama sa biyolin, nagbansay ko og nangandam nga makasulod sa ‘Korean traditional music department’ sa Kolehiyo. Si Dr. Lee andam nga mo bayad. Og nagtarong ko og eskwela aron mabayran ang grasya og nadawat gyud ko sa ‘Department of Korean traditional music’ sa Yongin

University.

Pebrero 2013, talagsaong sintoma akong nabati. Nagsugod ko og ubo nga naay dugo. Nahibaw-an nako nga naa koy ‘tuberculosis’. Sa kalit lang akong nahinumduman ang akong nanglabay nga kinabuhi og naghinulsol. Akong nahuna-huna nga naa koy bugnaw nga pagtoo og walay ka dasig sa pag higugma sa Diyos og nagsige pa gihapon sa mga kalibutanong butang. Nag-ampo ko kada gabii sa ‘Daniel Prayer Meeting’, naghinulsol nga labaw’ng nahigugma sa kalibutan kaysa Diyos Amahan, wala nako higugmaa ang akong pamilya, og usahay dili gani magpasalamat.

Pagkahuman, akong nabati ang lawum nga gugma sa Diyos og nagpangita sa espirituwal nga mga butang. Naghilak ko pag-ayo. Unya nihunong ang akong pag-ubo og pagsuka og dugo. Makakaon na ko og tarong. Human nga nadawat ang pag-ampo ni Dr. Lee ang ‘tuberculosis bacillus’ wala na og naayo na gyud ko. Halleluyah!

Akong na diskobrehan ang akong mga kasaypanan og nakahuna-huna sa mga butang nga wala nako tinaronga. Ako sad nga na eksperyensiya ang gugma sa Ginoo nga nagpalansang tungod nako. Akong pasalamat si Dr. Lee nga nag-ampo nako uban ang gahum.

Mga Sangay ng Ministryo ng Manmin sa Pilipinas

Manila Manmin Holiness Church	Bataan Manmin Holiness Church	Isabela Manmin Holiness Church	Cavite Manmin Holiness Church	Imus Manmin Holiness Church	Cebu Manmin Holiness Church	Davao Manmin Holiness Church
441 Patato St, J-Figuera Sampaloc, Manila, Philippines Pastor Peter Bae Pastor Lucy Lee 2-735-1423	067 Daang Bago, Dinalupihan, Bataan, Philippines Pastor Peter Bae 0910-262-5465	Purok 3, Brgy, San Roque, San Mateo, Isabela, Philippines Pastor Peter Bae Pastor Lucy Lee 0905-649-1120	5 Lot 33 Bk 1, Canutuhan (tenant), Santiago Gen. Trias, Cavite, Philippines Pastor Sharon Cho 046-850-3193 / 0916-674-3903 / 0905-319-8191	Blue Bell St. Plaridel III Sub. Bayan Luma 7, Imus Cavite, Philippines Pastor Jubeom Kim 0927-311-7633	LOT N. 402 - B-4 Looc Along Side The Canjulao Road, Lapu-Lapu City Cebu, Philippines Pastor Rossetta Sung 0921-635-7595	301 Ilang Ilang St. Flores Village, Bangkal, Davao City, Philippines Pastor Kathryn Kim 0908-635-2714